

**Šošna i Hercegovina**

**Federacija BiH**

**Kanton Sarajevo**

**Skupština Kantona Sarajevo**

**27. radna sjednica**

**ZASTUPNIČKA INICIJATIVA**

n/p predsjedavajuće, prof. Ana Babić

Informacija da najmanje 70-ero djece, rođene sa srčanim manama, mjesecima ne može biti operisano, jer Klinički centar Univerziteta Sarajevo nije nabavio potrebne materijale, dok su najbolji stručnjaci iz oblasti dječije kardiohirurgije napustili Klinički centar, predstavlja dramatičnu situaciju koja slikovito prikazuje stanje u koje nam je zdravstvo dovedeno kvazi reformama..

Ne želim da prihvatom činjenicu kako smo ovu informaciju spremni gurati pod tepih zbog kratkoročnih političkih interesa i relacija, iako smo svjesni kako se radi o dječijim životima.

Svi smo ovdje svjedoci da je ovo informacija koja je aktuelizirana već više od mjesec dana, i namjerno je nisam htjela ranije problematizirati na sjednicama kako bih izbjegla bilo kakvu politizaciju ovog problema, nadajući se da će resorno ministarstvo ili menadzment ZZO iskoristiti zakonska ovlaštenja da ovu situaciju raščisti i problem riješi u interesu zdravlja djece prije svega..

Na žalost, očigledno je da u zadnje vrijeme mi, kao skupštinski zastupnici, imamo obavezu intervenisati po mnogo svakodnevnih životnih tema jer je sistem u svojim osnovnim uslugama u potpunosti počeo da kolabira dok se javnosti spinaju raznorazne reforme.

Jasno je kako se ovdje radi o činjenici da se izvršna politika već mjesecima bavi prepucavanjem putem medija sa svojim stranačkim frakcijama, tačnije bavi sama sobom, dok se mi svi zajedno doslovno suočavamo sa situacijom da se roditelji sami snalaze kako bi djeci obezbijedili zdravstvenu zaštitu koja im život znači..

Zbog svega navedenog, tražim od nadležnih (Ministarstva i ZZO) da hitno utvrde sve relevantne činjenice po osnovu svih navoda kada je u pitanju problem ove djece, te izvijesti Skupštinu o nalazima i aktivnostima koje su poduzete kako bi se navedena situacija dugoročno razriješila..

Sarajevo, 10.04.2017.

Segmedina Srna Bajramović

